



Broj: 15-03-16-5-23-161/24
Datum: 24.1.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikacione dokumente, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača u postupku prvog mini-tenderisanja

Član 1.

Najpovoljniji ponuđač u postupku javne nabavke **usluga organizovanja putovanja i avio-karata na relacijama Zagreb-Vašington-Sarajevo i Vašington-Njujork-Vašington**, (postupak pokrenut i objavljen na Portalu javnih nabavki Bosne i Hercegovine, Obavještenje o nabavci broj 1110-7-2-77-3-111/24 od 8.10.2024. godine) u skladu sa Pozivom za dostavljanje cijene ponude u postupku mini-tenderisanja u postupku javne nabavke usluga organizovanja putovanja i avio-karata, broj 15-03-16-5-23-147/24 od 17.1.2025. godine, koji je proveden postupkom konkurentskog zahtjeva za dostavljanje ponuda putem mini-tenderisanja, je „**Trend Travel“ d.o.o. Sarajevo**.

Član 2.

Ova odluka se dostavlja ponuđačima u roku od tri (3) dana od dana donošenja.

Član 3.

Ova odluka stupa na snagu danom njenog objavljivanja na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke usluga organizovanja putovanja i avio-karata je konstatovala da je rok za prijem ponuda u postupku prvog mini-tenderisanja 24.1.2025. godine do 10:00 sati, te da su do navedenog roka na pisarnicu Agencije pristigle dvije (2) ponude i to ponuđača: „Relax Tours“ d.o.o. Sarajevo i „Trend Travel“ d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u pozivu, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-23/24 od 24.1.2025. godine, u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da ponuda ponuđača „Relax Tours“ d.o.o. Sarajevo ne ispunjava zahtjeve ugovornog organa u pogledu opisa predmetne nabavke i tehničkih specifikacija,




jer je ovaj ponuđač umjesto tražene avio-karte na relaciji Zagreb-Vašington-Sarajevo ponudio kartu na relaciji Zagreb-Vašington-Zagreb.

Komisija je dalje utvrdila da ponuda ponuđača „Trend Travel“ d.o.o. Sarajevo ispunjava zahtjeve u pogledu opisa predmetne nabavke i tehničkih specifikacija.

Analizom i ocjenom ponuda u postupku sa kriterijumom najniža cijena, Komisija je konstatovala da je ponuda „**Trend Travel**“ **d.o.o. Sarajevo** sa ukupnom cijenom od **5.940,00 KM bez PDV-a** najpovoljnija (ponuđač nije PDV obveznik), te s obzirom da ista u ekonomskom i tehničkom smislu zadovoljava zahtjeve ugovornog organa dala je preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



X

DIREKTOR
Prof. dr. Almir Badnjević

дигитално потписано / digitalno potpisano / digitally signed